

اُردو سائنس

نومبر ۲۷

پنجشنبہ

۱۹ مارچ ۱۳۲۴

واقع اولدینی محل محکمه سنه تابع اولسی لازمکلور .
 بوکا بناء درکه برکیمسه دیگر کسنه علینه بدل ایجار دأطولانی اقامه دعوی
 ایلسه ومدعی علیه اقامتگاه حقیقیسنی بیلیمسه ساکن اولدینی محل اقامتگاه
 عدایدوب او محل محکمه سنه دعوت ایدرسه محکمه مذکوره رؤیت دعوايه
 صلاحیتداردر .

بنیامین فرید

مدنیت حاضره نك موضوعات كاذبه سی

۵

بشریتك بو حال تحمقرفسای معنویسی نه دن انبعاث ایدیور؟ دوشونلرك
 جمله سنده، شمدییه قدر هیچ بر زمان بودرجه عمیق ومتوسع اولدینی کورلمه یین
 بو طبع مکدر، بو مزارت نره دن کلیور؟ بونکله برابر زمانز، اك فقیرلره بيله
 وقیله بر قرالک نائل اوله مادینی برچوق حظوظلغات فکریه و مادییه بی سهولتله
 قابل استحصال بر حاله کتیر مکدهدر.

بتون بونلر، رومانك انحطاط دوری ارباب فکرینه حیاتك بوشلنی قارشیسنده
 القای نفرت واوندن قورتولماق ایچون اتخاردن باشقه چاره بولونمادینی ظنی
 دعوت ایدن عین سبیدن متولددر. بو سبب، عالم حقنده کی تلقیمزله حیات فکریه
 واجتماعیه و سیاسیه مزك کافه اشکالی آره سنده موجود اولان مباينتدر. حرکاتمزدن
 هربری، اطمئننازیمزله تضاد حالنده و آنی مکذبدر. ادراکمز، حقیقت اولدینی
 حس ایتدی کمز شیلرله زیر حکمنده یاشامق وحرکت ایتک مجبوریتنده بولوندیقمز
 تأسیسات وموضوعات قدیمه آره سنده آشیلماز بر اوچوروم آچقددر .

عالم حقنده کی تلقیمز، بر تلقی فیددر. تلقیمزه کوره کائنات بر جوهر،
 بر عنصر درکه وظیفه سی حرکتدر. حرکت ایسه یکانه قوت اولدینی حالده
 احتیاسمزه مختلف قوتلر شکلنده کلیر. حرکتك، قسماً تعیین و بالتجربه اثبات
 ایتدی کمز وقسم دیگرخی ده سزمکده اولدیقمز ثابت قانونلر ایله اداره اولوندیغنی

کورپیورز۔ بز پو قانونلری لایتغیر عد ایدیور وبوکا هیچ براسنتنا قبول ایتیمورز۔ سبب اول ومبدأ شتون مسئله سنه کلنجه بونی عضویتك وسائطی ایله حلی غیر قابل عد ایله ترك ایتدك .

اكر دنیانك هیئت مجموعه سندن بشریته اینهك اولورسه قنقی فنیعز ، انسانی ، هر خصوصده عالم عضوینك قوانین عمومیه سی ایله اداره اولونان بر موجود ذی حیات عد ایتك بالضروره بزى سوق ایدر . انسانه ، سائر هر هانگی بر حیوان ویا نباته عائد اولمایان امتیازات مخصوصه ویا اهمیت بخش ایتك بزم ایچون غیر قابلدر .

نوع بشرك تكاملی بتون اجناس ذوی الحیاتك ترقیه سی کی آنجق اصطفا ایله ممکن اولدیغنه وهر حالده اونك یاردمی بولندیغنه ومجادله حیات ، السفلی بر فرد حیاتك اولدینی کی الك واسع مناسبله بتون انسانیتك ده تاریخی تشکیل ایتدیکنه اینانیورز . مبارزه ، بالمله حادثات سیاسیه واجتماعیه نك اساسی تشکیل ایدر . عالم حقیقده کی تلقیمز بودر . بز بوندن طرز حیاتله حقوق و اخلاقه دائر اولان افکاریمزك بتون اساسلری استنتاج ایدر . بوتلقی ، مدیتمزك اساسلرندن بریسی اولمشدر . عادتاً تنفس ایتدیکمز هوا ایله موجودیمز حلال ایتكده در . بعد ازیں اوندن تعری ایتكلیکمز محالدر . بو فکری ، بر (آنسیفلیك) ایله شدیداً رد ایدن پایا دخی او تلقینك تحت تأثیرنده ایدی .

قرون وسطی سفسطیات علمیه سی ، اسقولاستیکلری سپرایدرک جزویتلرک طلبه سی بوتلقیات وافکاردن وقایه چالشمق ، حیوانات بحریه بی قرده کرصوبله مملو حوضلرده محافظه چالشمق کی بی سوددر . جزویت تلامیذی دخی افکار عصریه منزله مشحون در . او ، سواقلرده باپشدریلان کاغذلره باقارکن ، مذهبداشلیرنك اعتیادات حیاتیه لری تدقیق ایدرکن جراندی اوقورکن ، بر کتابچیدن دعا کتابی آلبرکن بو فکرلری مص ایدر ، بتون حیات روحیه سی غیر وجداتی صورتده اونلرله مشوع اولور . بو شاگرد دیندار ، کندیسه رغماً - اون برنجی عصر آدمك مالک اولمادینی افکار واحساساته مالکدر .

او زوالی، بوش بره محالی تجربه ایدر. مدنیت وازمنه حاضره نك اولادی اولمقدن منع نفس ایدمزر.

عالم حقنده کی بو تلقی ایله برابر اوپله بر مدنیت ایچنده یاشامغه مجبور بولونیورزکه او مدنیت، بر آدمک، محضا طالع تولدله - طبق کنندی کی وحق اکثریا دهامکمل صورته مشکلی میلیونلرجه انسانی نوعی اوزرنده اک وسیع حقوق اکتساب ایتمسی، معناسر سوزلر سویله بن، مقصدسز حرکتلر اجرایدن بر شخصک قوای مافوق الطبیعه نك تمثالی کی تجرله ایدلمسی، معین بر صنف اجتماعی به منسوب برکنج قیزک مادون عدایدیلان صنفدن یاقیشیقی وقوی ارکاک ایله ازدواج ایتوب چبرکن، نحیف، سقیم وفقط کنندی صنف اجتماعیسنه منسوب بر کیسه ایله تأهل ایله منسی؛ مریض و ناتوان بر ایشسر، استفاده به بیله مقتدر اولمادینی بر رفاه و یسار ایچنده یوزرکن سالم وقوی بر عمله نك آچلقدن اولمسی قبول وتصوب ایدیور.

بشرك دهامدون اشکال حیاتیه دن چیقدیغنه اینانیدیغمز، بلااستثنا کافه افرادک عین قوانین عضویه موجبنجه طوغار، یاشار، وارلور اولدیغنی بیلدیگمز حالده بر قرال حضورنده اکیلکلیگمز و آونی، موجودیتی قوانین مخصوصه ایله اداره اولونور بر مخلوق کی تکریم ایتمکلیگمز ایجاب ایدیور.

وقایع عالمک لایتنیر قوانین طبیعه ایله معین اولدیغنه امین ایکن وظیفه سی، قوانین طبیعه به قارشی قومق و آنی رام ایله مک ایچون ایهای مراسمدن عبارت برطاقم رهبانه دولت طرفندن معاش ویرلدیکی کورمک وقتک قبول ایتدیکی بر سخبات مخصوصه مافوق الطبیعه قازانقی ایچون وقت وقت مطمئان مراسمده اثبات وجود ایتک ضرورتی آلتنده بولونیورز. حق بو قومه دیلری اجرایدن اشخاصه جمعیت ودولت ایچنده عالی بر موقع ویریورز.

اصطفا نك تأثیر عظیم وخیرکارینه اینانیورزده شکل حاضریه اصول اصطفا به مافع اولان مقاوله ازدواجی تعدیل ایده میورز. هر حق و اخلاقک اساسی، مبارزه حیاتیه به بولویورز. بونکله برابر هرکون قانونلر بایور وقوانک سرستی

جریاتی قطعاً منع ایدہ جک مؤسسات و موضوعاتی محافظہ ایدیورز. قویله ،
 غالبیت تأمین ایدن قابلیاتک استعمالی منع واولنرک ضعفا اوزرینه غلبه طبیعیہ سی
 مستلزم اعدام بر جرم عد ایلہ بورز .

حاصلی بتون حیاتز ، بشقہ بر دوردن مستعار اولان وھیج بر نقطہ دن
 افکار حاضرہ مزہ توافق اتمہین فرضیاتہ استناد ایدیور. حیات سیاسیہ مزک
 شکلی ایلہ اساسی آچیق بر تضاد حالندہ در. مدنیت رسمیہ نک حلنہ چالیشدینی
 مسئلہ، بر مکعبی عین حجمده بر کرہ ایجنہ ادخال اتمکدر. سویله دیکمز هر کله،
 اجرا ایتدیکمز هر حرکت ، عمق روحزده حقیقت اولدیفنی تسلیم ایتدیکمز
 شیلرہ نسبتله هپ برر یالاند.

احمد صلاح الدین

تاریخ قانون جزا

حقوق جزائیه «جمعیت بشریہ نک من طرف الله مراد اولنان امر تمدنہ
 بایدار اولهرق ترقی اتمسی ایچون وضع ایدیلان قوانین احکامی محافظہ ایچون
 اتخاذ ایدیلان قواعد» دن عبارتدر . شو تعریفده مذکور اولان «قوانین سائرہ
 احکامی محافظہ ایچون» عبارہ سی پکده مطلق اولهرق تاقی ایدلمایلدیر . زیرا
 شمبات سائرہ حقوقیہ و مثلاً حقوق عادیہ و تجاریہ ده احکام قوانینک حسن
 جریاتی محافظہ ایچون مطلقاً جزا ترتیب اولنمیوب پروتسو وجز کی برطاقم
 تدابیر ده اتخاذ ایدلمکده درک بونلرده محافظه احکام قانونیہ خادمدر .

مجله احکام عدلیہ نک برنجی ماده سنده مذکور اولدینی وجهله «جناب حق
 یونظام عالمک وقت مقدره دک بقائی اراده ایدوب بوايسه نوع انسانک بقاسنه
 ونوعک بقاسی تناسل وتوالد ایچون ذکور وانانک ازدواجنه منوطدر . برده
 نوعک بقاسی اشخاصک عدم انقطاعیلہ در . انسان ایسه اعتدال مزاجی حسبیله
 بقاده غذا ولباس ومسکنجه امور ضناعیہ محتاج اولور . بودخی افرادی بیننده
 تعاون و اشتراک حصوله توقف ایدر . الحاصل انسان مدنی الطبع اولدیفنندن